

## Fírímóni

Ísu wiyómpa'a iyówana Póro moórá-waai úmai sísamaifakemba kae'-áátáiyá'íyo miyáumai-aatai maisuwéna Fírímónin-imayaa éna maanáái agaimái tuwówana wenópa'a kuráiyé. Ááéma Fírímóni kesí kísau mainkwae séna Ónísímasimba méyámba'mai máánkarowana ména minkísáúgón-áároi inkaiséna fl'on-daopa'a koména Ísun-  
aai ísópa'a téna Póro ándáfa'o méropa'a wéawa'nai-uwana Póro séna Ónísímási tauweráinana Fírímóni aiyáínkwae sé'a maanáúfái agaimái amúne séna agaimái tuwówana Fírímónimpa'a kuráiyé.

<sup>1-2</sup> Fírímóniyo kemá Póro maanáúfái agáúmne. Kesí waási po kesé'a ankarotaré kísau wémaendawi isaaó. Fasi'aénkóni waási ení naaúmpa'o túwaandu owí ísáaro. Ápíyaa kentáá símanaakowara'a isaaó. Ákípaasiyo keséta taankarotaré fasi'ámai kísau wémaendawi ewará'á isaaó. Ísu Káráisitín-  
aai simátimewandarakemba ándáfa'a sínkaraawa'a mé'a maanáúfái agai-amúne. Kenkái sífáko Tímóti kesé'a méraiye. <sup>3</sup> Kentáásifowa Maníkóe kentáásí Fasi'aénkó Ísu Káráisitíye úwoi túwa'nai esarai faru uwátinkaayantafe'a inai súne.

<sup>4-5</sup> Fírímóniyo kentáásí Fasi'aénkó Ísumpa'a amankúnkúmba e Maníkóni waási arumbá timé méraanda-  
aai isé'a pó'a Maníkómpá'ó inaimó súnnda entáfé'a imáyaa é'a súwi súne. <sup>6</sup> Kenkáisí kísaugo moórá-i'a isatá méta Káráisitíye'a kááísamaisa méraundasafenasa wemá kawetá uwásínkáisa awánendasafe'a inañfínkémbá Maníkómbá áisai une. <sup>7</sup> Fírímóniyo kesífáko po Fasi'aénkóni waási arumbá timé

túwa'nai ónasa aú'lo úmaimo méraan-aaí isé'a aamoí uwánkaunana sirunkó kawé'á isa'á áwa'nai e'a inai sune.

<sup>8</sup> Ísu Káráisiti fasi'aémbá símakaimba pó'a ímba inkaisé'a sune. Emá moórá-i'a uwo sé'a súndanifo miyán-áái ímba sénaumpo <sup>9</sup> aáno úmai wempakémbá áisai e'a sune. Sendantembá miyá ínone sénaumne. Emá arumbá siména'a kemá sirumbá wéamunda pó'a aáno úmai wempakémbó simáméndantemba miyá ínone sune. Kemá Póro Ísu Káráisiti wení kisaumo símakaimba wémae'a waurámbá káúnasa ándáfa'a sínkaraawa'a mé'a <sup>10</sup> moóráwígon-awi'a Ónísímasintafe'a sune. Ándáfa'a mé'a Fasi'aénkón-aaí simámunana iséna Fasi'aénkómp'á tisa'á sé'a kesí iyámpóíyaamba óne sé'a wentáfé'a sune. <sup>11</sup> Ááema ení kísau ímba kawé'-úmai maúmba kisaugon-áároí inkaiséna kóuraimbanifo káfé'a kesí kísau kawé'-úmai maéna ení kísau kawé'-úmai máíniye. <sup>12</sup> Káfé'a ai'máráanana emp'á wínama kesááninkaan-úmai aiyáínone. <sup>13</sup> Ónísímasimba ta'ótokaanana súwa'nai ínkwaé sé'a únda isa'á úwoi miyán-ímáyáá úne. Ísu Káráisitín-aaí simátimewandarakemba ándáfa'a mósínkááwa'a méraunda enanondáá Ónísímasi súwa'nai íniye óndanifo <sup>14</sup> némpa'a mémpo ímba ewé sindasáfé'a pó'a ímba úwoi ta'ótóráanda póna kesé'a ména súwa'nai íniye. Ímba súwa'nai ónae sindá súwa'nai ónafainifo ení imáyáfinkemba súwa'nai ínone.

<sup>15</sup> Ónísímasi kisaugon-áároí inkaiséna embá auwéna kárika'a fí'on-daopa'a taméraifo emp'á wéna aasiyaasí komérainiye-imayaa úne. <sup>16</sup> Fasi'aénkóní waásigomo óndantemba wemá miyá éna enáfákaamba póna ímba ení kísau wémawai aantembanifo enáfákoraamba éna emp'á wíniye. Kemá wembá sirumbó amúndantemba ewará'á arumbá wembá améma kesíf'an-iyé sínone.

<sup>17</sup> Fasi'aénkóní kisaugo kenkáisi kisaugo mimbórá-í'a wéimba po kentáfé kesí naaúmpa'a iyuwómó séndan-temba Ónísímasintafe miyá siyó. <sup>18</sup> Embó

sáwí'lo uwánkenamo moórá-tantaa'lo maiyénamo ímbo amínamo e ímba wenópa'a té kesópa'a tina'á kemá méyánónaumne. <sup>19</sup> Kemá Póro kesiyáántamba agaé'a mimbéyámbá aménaumne súne. Ísu Káráisitín-ai simámewana érai'e siyáanda maé'mae'lo inda-méyámbá kempá'á wéraimba po ímba kanaa'á méyáninda-aain-iyé. <sup>20</sup> Kesífákoo Fasi'aénkóní waási ómpo áísai úndantemba miyá ina'á Fasi'aénkón-aúranka'a aúí'a úmai méraano.

<sup>21</sup> Maanáúfáímó agaúnda imáyáa é'a sé'a kesáái isé áísai úndantemba miyá ínone. Emó indawí kemó áísai úndawimba íyáákainone. <sup>22</sup> Empá'á ke kondasáfé kesí máárraru'a to'mayaa uwásinkaao. Ándáfakemba faúsinkaiya'a ení naaúmpa'a kondasáfé Maníkómpá'á inaí simásinke moórá-maararu'a to'mayaa uwásinkaao.

<sup>23</sup> Moóráwigon-awi'a Épáfarasi Ísu Káráisitín-aaimo simátimunkakemba ándáfa'a ánkaraawana kesé'a ména kembiwísáféna séna kawé'-úmai méraaro wésiye. <sup>24</sup> Kesé'a kisaumo máéwi-tuwi'a moóráwigo Máákaani moóráwigo Árísítakasini moóráwigo Tímasini moóráwigo Rúku miwí sésa kawé'-úmai méraaro wésewe.

<sup>25</sup> Fasi'aénkó Ísu Káráisiti kesé'a ména úwoi wétuwa'nai-intafe'a inaí súne.

*Kemá Póro mináái símai tai'áúmne.*

Aú-aaí símai kááísamakain-aaí  
The New Testament in the Awiyaana language of Papua New Guinea  
Nupela Testamen long tokples Awiyaana  
copyright © 1984 Wycliffe Bible Translators, Inc.

Language: Awiyaana

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-08-17

---

PDF generated using Haiola and XeLaTeX on 12 Mar 2019 from source files dated 5 Mar 2019

0dda5aa4-c019-59cf-b9ee-e1fd4762d49c